

19^t per MB
7pm - 7am

CELEBRATE TELIKOM'S X'MAS OFFERS
Off peak Internet Prepaid rate reduced for the rest of the Year
October until December 2012

TELKOM PNG
24/7 Customer Care: Call 345 6789 or www.telikompng.com.pg

FRI TOKTOK LON OLGETA MAN MERI

Toktok wantaim ol wantoks lon 2 minits na kisim narapela 13 minits fri

Sizzling deals only with Digicel.

Pop Benedict sutim tok long ol mani-man



Long Nu Yia toktok bilong em i go long ol Katolik bilip manmeri na ol pipel bilong wol, Pop Benedict 16 i toktok long ol hevi i kamap long ples graun, we i kamap long pasin bilong wanwan ol manimanmeri i tingim ol yet tumas.

HETMAN bilong Katolik Sios long wol, Pop Benedict 16, i sutim tok long ol mani-manmeri na kantri long wol long ol hevi long ples graun.

Pop Benedict i tok mak bilong pasin 'kapitalisim' we i lukim ol ris manmeri na kantri i wok long kamap ris moa, i wok long kamapim hevi we ol turangu manmeri na kantri i wok long bungim moa hevi na sindaun nogut.

Pop i yusim Nu Yia toktok bilong en i go long ol Katolik bilip manmeri long toktok long ol 'ples i gat birua i stap long en, we mak namel long ol mani-manmeri na ol lain turangu, i wok long bikpela moa'.

Em i tok ol dispela birua na sindaun nogut i stap nau long wol, i kamap bihainim pasin bilong wanwan ol manmeri i tingim ol yet, na long ol ples we i nogat inap gutpela was long pasin bilong wok mani. Em i tok lukaut olsem sapos i nogat was long dispela pasin, bai moa sindaun nogut i kamap long ples graun.

Em i mekim ol dispela

toktok long Sen Peter's Basilika long Vatiken Siti long Rom.


Pop Benedict, i mekim prea long bel isi na gutpela sindaun i kamap long olgeta manmeri long ples graun.

Em i tok ol lain i wok long strongim gutpela pasin na bel isi, i stap, tasol singaut bilong ol i no bikpela. Tasol ol i mekim wok bilong ol bihainim plen bilong God.

Em i tok nupela yia em i wanpela 'wokabaut', na em i prea dispela wokabaut bai lidim wanwan manmeri na famili, na kantri long wol long painim bel isi na gutpela sindaun.

Long wankain taim long Yunaited Stets ov Amerika, Gavman bilong Amerika i tok oraitim pinis wanpela nupela loa bilong givim moa takis long ol rismanmeri, o manmeri i save mekim moa long \$US450,000 olgeta yia.

Dispela loa, em US Presiden, Barack Obama yet i bin tok long kamapim, bilong sevim kantri long ol birua long nogat inap mani long kantri.



Digicel
PNG's Bigger, Better Network.

Pay the first 2 minutes at your normal retail rate and get 15 more minutes free on the same call. Free After 2-voice applies to calls to local mobile numbers only. Standard Conditions apply. For more details see www.digicelpng.com or http://www.digicelpng.com. Digicel is a trademark of Digicel Limited.

GLOBE More Easy, More Tasty, More Energy

CORNERED BEEF WITH CEREAL



GLOBE ...the perfect choice

PNG MADE



Oi wait enjel bilong SP Bruri amamasim ol manmeri wantaim promosen.

KRISMAS na NIU YIA LONG POTO... Oi poto Nicky Bernard



Senisim presen long krismas em bikipela samting long ol pikinini.



Kendol lait long 3-mail haus sik taim mekim Kerols bai kendol lait bilong ol. Oi pikinini na sik manmeri bin amamas tru.



Paia woks em mipela ya: Oi wok manmeri bilong Lamana amamas long paia woks bilong ol.



Oi bikipela pes i bung wantaim long amamas nupela yia.

Profesa Mellam em nupela VC bilong UPNG

David Bill Leo (UPNG janelisim sumatin) i raitim

YUNIVESITI Kaunsil i makim Profesa Albert Mellam olsem nupela Vais Sansela (VC) long Yunivesiti bilong Papua Niugini (UPNG).

Sansela bilong UPNG, Steven Pokawin i toksave long 20 Disemba, 2012 insait long liklik bung we em tokim ol niuslain olsem Profesa Mellam bai statim wok bilong em long 2 Jenuari, 2013.

Pokawin i tok, "nau mi toksave olsem profesa Mellam bai kisim posisen bilong VC na yunivesiti kaunsil i makim gen Jennifer Popat long Rejistra posisen."

Misis Popat i bin stap rejistra long 6-pela krismas na em bai kontenu gen long 3-pela moa krismas. Posisen bilong Besa em yunivesiti kaunsil i no makim wanpela yet na dispela posisen bai advataism gen, tasol Norah Lasak em ekting nau."

Pokawin i tok olsem yunivesiti kansel gat paoa long makim olsem na bihain long makim, yunivesiti kaunsil i bin makim painimaut komyuti long lukim 3-pela posisen bilong VC, Besa na Rejistra.

Em i tok olsem Mellam em namba 11 VC bilong UPNG na em namba 4 Papua Niugini long holim bikpela posisen olsem het bilong UPNG.

Yunivesiti kansel gat 33-pela mamba husat ol i kisim ol aplikesen bilong ol dispela 3-pela posisen na painimaut komyuti i lukluk long proses bilong sot lisim ol kendidet husat i bai inap long makim long ol dispel 3-pela posisen.

Dokta Mellam holim PhD long Sakoloji long Australia Nesenel Yunivesiti, Mastas long sains digri long Stirling Yunivesiti, Scotland na Profesenel Diploma long save na menesmen (ekonomik) long Singapura Menesmen Yunivesiti.

Em i pes Eksetiv Din long skul bilong Bisnis Edministresen long UPNG long 2002 na wok wantaim ol ekadematik staf.

Dokta Mellani i tok tenkyu long yunivesiti kansel long bilim em na makim em long VC posisen long wanem em i bikpela salens.

Tasol wantaim save na epkspirens, Mellam tingitng strong olsem em bai holim VC posisen long sanisim na straksarim gen yunivesiti long kamapim olsem intanesenel skul long wol.

"Misen bilong mi em long mekim gen unifom, enjiniaim gen, trensfomim gen, bredim gen, na oge-naisim gen wokpos bilong UNPG long kamapim moden institut we gat planti infomesen sanis namel long Papua Niugini o yunivesiti olsem wol klas insait long developing kantri," Mellam i tok.

nus

We Care i helpim ol turangu na ol yangpela manmeri

WANPELA Non Gavman Ogenaisesen i wok long helpim ol turangu pikinini we papamama i dai o ol papamama i no inap long lukautim em long We Care Faundesesen.

Man i go pas long dispela oge-naisesen, Pater John Glyn, i tok moa long 500 pikinini na ol yangpela i kisim helpim na sapot pinis long We Care Faundesesen.

Pater John i tok oge-naisesen i gat sampela projek eria em i wok long en. Wanpela em long edukesen sapot we We Care i peim skul fi long ol pikinini na ol yangpela pipel husat i no skul long nesenel edukesen sistem i nogat skul fi.

Narapela em long progrem bilong givim kaikai long ol Care Grup pikinini na narapela em long nutrisen progrem long ol pikinini husat i gat sampela kain sik we ol i no kisim gut kaikai o hangere i kamapim.

Narapela em long progrem bilong ol disebel we We Care i save givim ol wilsia, ol kratsis o samting ol lain i no inap long wokabaut i holim na wokabaut long em, givim ol nepi bilong ol

bikpela man na moa.

Ol i gat ol sapot progrem long ol pri skul edukesen long ol setelmen we ol i salim ol yangpela meri long kisim tisa trening. Ol i gat ol progrem long helpim ol woklain long Carers progrem, ol asisten bilong ol na ol singel mama long ol setelmen.

Pater John i tok givim trening i go long ol woklain em i bikpela samting bikos sapos ol i nogat ol gutpela woklain, We Care bai nogat na ol bai westim nating taim na mani.

Pater John i tok bikos baset bilong ol i liklik tumas, ol ino inap long kisim ol kwalifaid na ekspirens woklain. Na bihain long traim na sampela samting i no gutpela tu i kamap, nau ol i gat 4-pela woklain na wanpela volandia bilong Australia.

Wanpela Krismas stori bilong liklik Michael i gat 6-pela krismas na em i wanpela setelmen pikinini.

I no longpela taim i go pinis, Michael i bin pilim bikpela pen long kidni bilong em. Taim em i pispis, em i autim blut na samt-

ing olsem waisan.

Long Pot Mosbi Jenerel Haus sik, ol bin tok em i gat kidni ston. Na ol i tokim mama bilong em long sanap long lain na wet sampela taim pastaim ol i operetim Michael, o sapos mama i peim K300 kesmani, ol i ken operetim em kwiktaim.

Kasen bilong Michael em Lina i wokim Gret 7 na em i wanpela long ol pikinini mi lukautim, Pater John i tok.

Na em i go stori long Pater John husat i givim em We Care kad bilong em long givim long mama bilong Michael wantaim tok olsem Pater John bai peim olgeta bil, tasol ol i mas raitim wanpela risit pepa long en.

Pater John i tok ol bin kisim Michael i go long haus sik na wanpela meri sejen dokta bilong Australia i bin wokim operesen long en. Na i no bin gat kos long em. I no bin gat askim long Pater John i wokim peimen, tasol bikpela samting em, Michael i wok long kamap orait na em bin go long haus na i lukim krismas wantaim famili bilong em.

DION: PNG i gat luksave long 7 samit bilong ACP

David Bill Leo (UPNG janelisim sumatin) I raitim

DEPUTI Praim Minista, Leo Dion i tok olsem Papua Niugini i makim antap level long bikpela bung namba 7 bilong ol het man long Afrikan, Keribian na Pasifik (ACP) kantri i bin holim long Malabo, kapitel bilong Equatorial Guinea long 13 - 14 December, 2012.

Bung save kamap bihain long 4-pela krismas na namba wan astok bilong en em gutpela sindaun na pait agensim poveti long ol mamba kantri wantaim bikpela wokbung insait long wol ekonomi.

72-pela plen ol i toksave long Sipopo Tok aninit long bikpela eria olsem pis, sekyuriti na gud gavanens, developmen fainens, intanesenel tred, eneji, klaimet tenis, gutpela sindaun na bihain lukluk bilong ACP Grup olsem intanesenel institusen.

"Insait long tok bilong mi, mi tokim ol strong olsem promis bilong PNG long go het wantaim astok ol i mekim long Sipopo Tok i tingim bek long wanem samting mipela lakim long bihain ACP Grup," Dion i tok.

Em i tok olsem insait long bungtok, planti i soim namba wan samting bilong ACP Grup long statim gen olsem gutpela na bekim gut long ol nid na laik bilong ol pipel bilong yumi.

Pis, sekyuriti, gud gavanens

em ol bikpela prinspol ol i soim olsem insait long Sipopo Tok. I gat evidens long pruvm olsem nogat wanpela kantri insait long wol i kisim progress na sastenabol developmen long pipel bilong en nating wantaim ol dispela as tingting prinspol.

"Mi tokim bikpela bung olsem PNG i pren wantaim dispela na promis long givim wanem samting inap long sapotim ACP Grup na pipel bilong en long bihain taim.

"Mipela i tru lainim long wanpela na arapela long pes save na long bilip, yumi ken tok pis, sekyuriti, na gud gavnens em ol namba wan progres na gutpela sindaun insait long olgeta soseiti," Dion i tok.

Wantaim lukluk long eneji na sastenabol developmen long ACP kantri, mi soim nid bilong yumi long painim efektiv solusen antap long salens bilong daunim eniji na poveti na long arapela sait lukluk long ol isu bilong klaimet sens wantaim ol arapela.

Dispela em i namba wan salens bilong ACP Pasifik Ailan kantri olsem ol liklik ailan kantri we ol i traim long balasim wok bilong ol na lukluk gut ol nogut aninit stap long kaimet sans long asipim gutpela sindaun.

Minister bilong Foren Afes na Tred, Rimbinki Pato bin go wantaim em tu sapotim tok olsem bung em namba wan tru we em i makim ol developing kantri long wol na gutpela klia piksa oge-nais-

esen long wol i dil wantaim ol Euporian Union kantri

Bikos long tenis straksa bilong netsa em i wok long go yet long Europ, Esia pasifik, ACP na Pasifik kantri mas lukim wok i go het long sait bilong wanem sans na salens insait long developing wol.

"Mi amamas long tok olsem PNG i makim level antap tru wantaim Depyuti Praim Minista na i gat tingting bilong kamap wan na onasip stap long ol dispel isu," Pato i tok

Narapela samting em Pato bin makim Melanesian Supia Het Grup olsem ol wan wok bilong em long Foren Afes Minista bilong Fiji, Nauru, Tuvalu, Vanuatu i bin makim em we i gat inap sapot.

"Bikpela tok mi ken olsem insait long Erupian Komisen na ACP i gat sapot bilong PNG insait eria bilong stretim loa, akaunabiliti, gud gavnens, trensperseni na plen yumi gat aninit long visen 2050," Pato i tok.

Laki olsem Pato i lukim Kindom bilong Moroko antap long maunten bilong Afrika na em i wanpela developing kantri em i hariap tru long groim ekonomik insait long developing wol na i lukluk wanbel wantaim gutpela intres long stap insait na wok bung wantaim ol ACP kantri

Ol ACP kantri bin tok save olsem ol bai sapotim diplomatik sanel wantaim sampela skolasip long PNG insait long fiseris, marasin na teknikal eria we 10 skolasip long opis bilong haia edukesen na ministri bilong edukesen long PNG.



Hepi Bonde!!!!

**PAOLO TIENSTEN MATEAKU SAKETTE
05th JANUARY, 1998**

**HEPI MAMA KARIM DE LONG YU BATA STRET.
HARIM TOK NA MASKI BIKHET. LAIKIM PLANTI
2MAS..**

**GOD I KEN BLESIM YU OLTAIM LONG WOKABAUT
BLONG YU LONG LAIP.**

HAPPY HOLIDAY AT HOME ARAWA, AROB!

Gutbai 2012, halo 2013

2012 i bin wanpela kain yia yet.

Skin bilong yumi bin kirap taim Belden Namah i wok-abaut i go insait long wanpela palamen sesen long Ogas 2, 2011. Bihain long suspensen long ol stending oda, em i muvim wanpela mosen we palamen i tok i nogat man long opis bilong praim minista, taim Sir Michael Somare i stap ovasis long kisim medikal tritmen.

Orait, long dispela wanpela mosen yet, ol i nomine-tim Peter O'Neill olsem kendidet bilong inapim dispela wok. Tot i lukim 73 memba i vot na tok orait long en, na tripela i tok nogat. Em nau, O'Neill i kamap praim minista.

Em nau dispela stes we ol i sanapim long wanpela awa tasol, na i kamap ples we longpela pait long loa i bin kamap.

Somare ol i bin go long Suprim Kot na salensim strong bilong mosen Namah i kirapim, na bihain long faivpela mun, long Desemba 2011, Suprim Kot i mekim disisen na tok olsem dispela mosen i no stret aninit long lo, na Sir Michael em i praim minista tru aninit long loa.

Long wanpela wik, Sir Michael na ol lain bilong em i muv i go insait long opis bilong PM long Morauta Haus long Waigani, na traim long wok bisnis long hap. Tasol ol pablik sevan i no wanbel; i no bikos ol i bihainim ol arapela lain. Nogat. Sanap skelim bilong ol em bikos olgeta samting i senis hariap tumas.

Namah na ol lain bilong en i strongim ol namba na kalap long bas na singsing 'We Shall Not Be Moved' i go long Morauta Haus. Tasol ol i painimaut olsem Sir Michael na ol lain i lusim



Sabina's Corner

ples pinis. Em nau, O'Neill na ol lain bilong em i go insait isi tasol.

Sapos ol samting i bin stap olsem tasol, ol samting

i kamap wantaim dispela sut toktok long wansait pasin. I luk olsem ol i belsut long Sif Jastis, bikos ol i save ol i no inap tanim tingting bilong en long strongim politiks sindaun bilong ol.

Sif Jastis i no surik, na bikos em i mekim olsem, ol i sasim em long 'paulim wok jastis', bikos em i no tok oraitim asosiet bilong Jas Hinchliff olsem 'pikinini man' bilong em husat i mas kisim olgeta mani taim Jas i lusim laip.

i gutpela long ileksen i kamap long tanim ai na tingting bilong ol politisen i go bek long ples bilong ol we ol i laik kisim mendet gen long ol pipel bilong ol.

Wantaim dispela tingting, Namah i go pas long tok olsem i mobeta yumi holim ileksen inap siks mun long larim lilektoral Komisini i redi gut long mekim wok. Namah i strong olsem PNGEC i no redi gut.

I bin gat bikpela belwari i kam long Australia long

husat i wok long hatwok long bungim skul fi. Na ol pipel long Dipatmen bilong Edukesen, husat i bin isi tumas long tilim mani long ol skul dispela yia, ol i painimaut olsem O'Neill i no pilai wantaim ol.

Bihain O'Neill i harim krai bilong ol papamama long hevi bilong Autkam Bes Edukesen (OBE) sistem na tok pastaim long 2013 skul yia, ol i mas rausim OBE na go bek long olupela sistem we i bin wok bipo.

Mipela i givim luksave long O'Neill long sanap bilong em long OBE.

Dispela OBE sistem, em i mekim ol tisa i skindai long wok, na ol sumatin na papamama bilong ol i wok strong moa long winim skul, na i nogat halivim tru long ol tisa, na ol risos olsem ol teks buk.

Em i bagarap olgeta; wanpela sistem we i bin lus 20 yia i go pinis.

Yu traim tingim olsem ol elementeri skul pikinini i wok skul long tokples. Husat tru i spak na kamap wantaim dispela sistem? Tok inglis em bikpela samting ol pikinini bilong yumi mas inapim sapos ol i laik go het long bihain taim skul bilong ol, na long kisim gutpela wok.

Mipela laik tokim O'Neill, sapos Edukesen Dipatmen i isi tumas long karimaut nupela edukesen sistem bilong yia 2013, kikim sampela moa baksait, bai ol i muv!

Na nau mipela i go insait long Krismas na Nu Yia 2013 em i tupela wik tasol.

Na bai yumi tingim dispela yia long wanem ol samting? Sampela bikpela samting i stap.

Namba wan samting em O'Neill na we em i kam bek long pawa na kamapim gavman bilong rekonsiliesen long pasim dua long lain olsem Chief, husat i bin laik kam bek wantaim 'hauskuk

"Dispela OBE sistem, em i mekim ol tisa i skindai long wok, na ol sumatin na papamama bilong ol i wok strong moa long winim skul, na i nogat halivim tru long ol tisa, na ol risos olsem ol teks buk"

bai kamap narakain long taim ol i krosipait long haus kot, o nogat?

Namah ol i no inap wantaim 'viktoria' bilong ol, na ol i traim long senisim NEC Ekt long tok olsem i nogat man long opis bilong PM, long sindaun bilong Sir Michael, na ol i traim long rausim namba wan liv ov absens o tok orait palamen i givim Somare, long traim mekim bai em i abrusim tripela sindaun bilong palamen, na ol i ken rausim em olsem memba bilong Is Sepik rijenalia, sia em i holim longpela taim tru.

Taim Namah na O'Neill i bisi long kamapim ol dispela ol loa, Somare ol i bisi wantaim ol kontem sas agensim tupela. Sampela long ol dispela kontem sas, em Rejistra bilong Suprim Kot yet i kirapim.

Namah na O'Neill i bekim wantaim sampela ol mosen i go long Suprim Kot long rausim Sif Jastis Salamo Injia long sindaun long ol dispela Suprim Kot, na ol i tok ol i bilip em i wansait pinis.

I no klia long wanem as ol

Bihain, O'Neill ol i kamap wantaim Judisial Kondak Ekt, long traim gen long rausim Jas Kirriwom na Sif Jastis gen. Somare i kalap i go insait na kirapim ol Suprim Kot long traim rausim ol loa ol i lukim olsem i no bihainim loa. Tasol pastaim long ol i mekim dispela, O'Neill ol i failim wanpela suprim kot refrens long kisim deklarensen olsem olgeta loa ol i mekim, i stret aninit long mama loa.

Em wanpela paul wok tru! Em i klia olsem ol loya i makim O'Neill ol i no givim gut tok stia long O'Neill, olsem taim ol i kirapim das insait long ol 'judisari wara', O'Neill bai namba wan long dotim skin bilong em, sapos em i laik kalap i go insait gen. Em nau, Suprim Kot i painim olsem O'Neill gavman i no 'stretpela' gavman, na namba tu traim long sanapim Somare gen olsem Praim Minista tru i kamap.

Dispela i painim mipela i go insait long mun Epril na Me 2012, taim ol ritpepa i go aut. Sampela manmeri i tok

noken pulim ileksen i go moa. Yumi ken tingting tasol olsem nogut ol Australia i autim wari bilong ol wantaim O'Neill, bikos em i strong tru olsem bai nogat pulim bilong ileksen i kamap. lilektoral Komisina Andrew Trawen tu i bin tok olsem PNGEC i redi long karimaut ileksen, na i nogat as long pasim inap siks mun.

Mipela i lukim ol ileksen i kamap, na i pinis, na nau mipela i gat nupela palamen aninit long stia bilong O'Neill.

Long tok klia, yumi ken tok Peter O'Neill i mekim wanem tru bihain long em i kamap PM?

Yumi lukim long sotpela taim tasol, O'Neill i kamapim planti samting; moa long ol PM husat i bin holim dispela opis longpela taim moa.

Bihain long em i bin kisim opis, na kot i tok i no stret, em i bin tok promis long fri edukesen. Na tru tumas, em i givim bikpela hap fri edukesen long yumi.

Em i winim lewa na luksave bilong ol papamama

I go moa long pes 7

Gutbai 2012, halo 2013

I kam long pes 5..

kabinet' bilong en long paulim ol risos bilong kantri.

Long dispela hap mak, yu bai painim planti Papua Niugini manmeri i amamas long lukim Sir Michael i go aut long gavman, bikos stap bilong em, sampela ol arapela politisen i wok mekim mani long en.

I luk olsem Sir Michael i wok long bildim wanpela oligaki, o gavman we pawa i stap long ol wanwan man tasol. Sir Michael i bin lusim visen bilong em long PNG bihain long independens, na wokabout bilong en i napim 38 yia, we yumi lukim loa na oda i pundaun, infrastraksa long kantri i brukdaun, na edukesen sistem i paul.

I tru, Sir Michael i ken tok olsem em tasol i kirapim wel na ges industri, tasol mipela i no lukim yet ol kaikai bilong dispela ol projek.

Klostu nau bai ol pipel i painimaut wanem samting i kamap long LNG mani bilong ol bihain long ol i painaut olsem ol dividen bilong LNG bai ron i go stret long wanwan ol Swis Benk Akaun long 'sevisim' \$US 2 bilian dinau mipela i kisim long Dubai.

I paul liklik, bikos 22% ekwiti long LNG i stap yet long han bilong wanpela kampani i rejista aninit long Kampanis Ekt, na mipela harim olsem i nogat Deed of Trust, long tok klia olsem ol sea ol i holim long tras, em bilong gavman na ol papa-graun.

Na olsem wanem long ol Komyuniti Koles bilong Somare gavman, we ol i bin skelim K100 milian long en. Muv bilong O'Neill gavman long stopim Greg Sheppard long kam bek long PNG, mipela i harim olsem i pas wantaim K50 milian i sindaun insait long tras akaun bilong kampani bilong en. Na mipela i harim olsem i gat narapela \$US 50 milian i sindaun insait long wanpela PNG praivet famili akaun long wanpela benk long



Singapore.

I gat planti PNG kontrakta long kantri i wok wetim mani bilong go aut bai ol i ken go het wantaim konstraksen wok long ol Komyuniti Koles Projek. Ol i winim ol dispela kontrak insait long resis wantaim ol arapela kontrakta long kantri.

"Planti long ol Dipatmen hetmanmeri i nogat save long praivet sekta wok, na ol i nogat 'wok kalsa' we namba wan samting em 'prodaksen' bai yu mas inapim ol wok awa bilong yu, na tu, yu mas mekim wok kamap"

Sore tumas long ol dispela kontrakta. Mipela i harim tu olsem ol dispela mani i go aut pinis, tasol em i lus namel long Pot Mosbi na ol lokol Tresari Opis long ol provins.

Orait, i gat ol dispela bikpela ol pemen tu em Nesenel Geming na Kontrol Bod i givim long kain kain ol man i bin pas klostu wantaim ol politisen long bipo Somare gavman.

Tokwin nau i raun olsem sampela K100 milian bilong Geming Bod mani i bin lus i go insait long ol praivet benk akaun bilong ol wanwan manmeri na kampani i bin klostu long ol politisen long bipo gavman. Wanpela grup ol kampani i bin kisim K43 milian.

Kwesten i stap: Bai Geming Bod i bihainim dispela ol manmeri na kampani long kisim bek dispela mani o nogat? Na sapot nogat, watpo na nogat?

Yumi mas askim tu,

wanem samting Peter O'Neill i gat long givim yumi long yia 2013. I gat planti toktok long karimaut bilong ol gavman polisi, long sait bilong strongim bek ol infrastraksa na bildim ol nupela bilong opim kantri, na wokabout isi isi i go long wol bilong tude. Olsem na, bihain dispela polisi, bipo Dipatmen bilong Woks, nau ol i kolim "Dipatmen bilong Woks na Implimentesen".

Ol pablik sevan lida bilong yumi i tok olsem O'Neill gavman i makim tupela pailot projek long traime dispela tingting bilong infrastraksa developmen, o impek projek

developmen.

Pastaim, ol bai strongim bek Hailans Haiwe na i gat proposal bilong konstraksen bilong bikpela haiwe i bungim ol wel na ges fil long Hailans, wantaim Kikori Malalaua haiwe, na i kam long Pot Mosbi. Em i no nupela samting long lukim bikpela hap mani long K13 bilian baset bilong neks yia i go long infrastraksa developmen.

Peter O'Neill i no save westim taim long toktok tumas. Tasol taim em i givim oda long wok i go het, em i gat nem long makim na tingim olgeta samting em i odarim, bai em i sekap gen long ol pipel i mas mekim wok.

Olsem, sapos yu bihainim abrus long karimaut na peim ol skul subsidi bilong ol skul bilong yumi long namba tu hap bilong dispela yia, yu bai save olsem sampela ol man long edukesen i lusim wok taim ol subsidi i no go aut long taim, maski ol dis-

pela mani i bin stap pinis long ol tras akaun we ol edukesen ejensi i bosim.

Mipela laikim dispela. Mipela laikim praim minista husat i givim oda na kikim as bilong ol man. Bikos long 38 krismas i go pinis bihain long independens, gavman i save givim oda long pablik sevis long karimaut, tasol ol i no save muv, na gavman tu i no sekim bihainim ol.

Dispela i bringim mipela long askim long savemak bilong pablik sevis long tanim ol gavman polisi i kamap ol strongpela projek bilong karimaut. Sapos yumi lukluk bihainim ol lain bipo,

bai yumi lukim olsem pablik sevis i no mekim wok. Pablik sevis i bikpela tumas, na i nogat wanpela poin bilong kodinetim na supavaisim.

Planti long ol hetmanmeri bilong ol dipatmen, em ol pablik sevan i wok longpela taim, na i bihainim lata long Klak Klas Sistem. Dispela sistem i save promotim ol wokman bihainim hamas yia ol i stap wok long pablik sevis. Dispela i wok kamap olsem rot bilong bihainim tasol, na i no bihainim strong bilong save ol i gat long mekim wok.

Ol pablik sevan i tokim mipela olsem makim bilong ol top manmeri long pablik sevis i bihainim merit o savemak. Tasol i nogat evidens i sapotim dispela tingting.

Planti long ol Dipatmen hetmanmeri i nogat save long praivet sekta wok, na ol i nogat 'wok kalsa' we namba wan samting em 'prodaksen' bai yu mas inapim ol wok awa bilong

yu, na tu, yu mas mekim wok kamap. Tude, i bai yu painim hat tru long raitim pas i go long gavman dipatmen, bikos yu bai no inap kisim bekim. Moa yet, yu traime ringim wanpela gavman dipatmen, yusim ol namba long telepon buk; yu bai laki sapos wanpela man i ansarim fon. Na moa yet, taim yu kisim ansa, bai ol i givim yu klostu wan dasen namba, na bai yu tait nating long ringim olgeta yet. Em nau, bai yu ron i go daun long dipatmen, na ol bai tokim yu olsem opisa yu laik lukim, i no kam long wok.

Sapos dispela gavman i laik senisim pasin bilong mekim wok, pablik sevis i nidim bikpela revolusen o senis. Hap bilong statim dispela senis, em long bringim ol ausait manmeri olsem ol divisenal hetman na supavaisa bai ol i ken mekim wok i kamap, na i kamap long taim. Ol pipel i mas ripot long wok long taim bilong wok, na ol i mas wok let bai ol i ken karim kaikai bilong wok.

Nau yet, ol pipel bilong yumi yet husat i mas lukautim ol dipatmen na ol arapela gavman ejensi, i nogat luksave long ol wokmanmeri bilong ol. Namba wan, ol dispela hetmanmeri bilong ol dipatmen na arapela ejensi i no save wok long 8 kilok moning i go inap 4 kilik apinun.

Ol bai soim pes long moning, na lus pastaim long belo, na bihain, ol bai soim pes gen long 3 kilok long sekim sapos i gat sampela bikpela samting i kamap, olsem opis bilong ol i paia, o lapun misis i kamap na kirapim pait wantaim fevret doli-doli bilong bosman long opis.

Em nau, yumi mas askim Dokta Puka Temu, Minista bilong Pablik Sevis: Bai yu rausim dispela hevi olsem wanem? Wanpela samting i klia: lokolaisesen i sot long karim gut kaikai. Bringim ausait man i kam long sivil sevis wokfos.

Wantok Kompaun i gat gutpela Krismas Kerols nait

Veronica Hatutasi i raitim

I GAT kain kain we we ol famili, komyniti na kantri i save selebretim Krismas long en.

Olgeta Krismas, ol mama na pikinini long Wantok kompaun i save gat liklik progrem long bung wantaim olsem wanpela komyniti long amamasim Krismas.

Dispela progrem i save kamap long Disemba 23 we ol mama na pikinini i save redim liklik progrem long Krismas Kerols nait.

Long dispela nait, progrem i save stat wantaim ol pikinini na ol mama i putim waitpela klos, karim ol wan wan kendel na singim ol Krismas Kerols o ol singsing bilong Krismas. Bihain long dispela, ol i save gat ol kaikai we ol mama i redim. Bihain long dispela, ol pikinini na ol mama i save kisim ol presen long ol sikret o ol hait pren.

Pastaim long Keros nait, ol mama na pikinini i save lainim ol singsing long nait taim. Dispela i save kamap tupela wik pastaim long nait bilong progrem.

Ol mama na pikinini i save laikim stret dispela liklik progrem bilong ol. Long sampela yia taim ol bin stap long Gordons, ol narapela mama na pikinini long strit tu i save joinim ol na grup i bin bikpela moa. Dispela taim, ol save singsing long hap strit bilong ol long Lapwing Drive na long ol haus pastaim ol i go insait long Wantok kompaun na singsing long ol wan wan flet. Long sampela yia, ol i wokim babakyu olsem kaikai bihain long ol Kerols singsing.

Dispela yia, em bin namba 8 yia we Wantok Kompaun i bin selebretim Krismas wantaim Krismas Kerols nait long Renbo we ol i stap nau long en.

Komyuniti i gat samting olsem 50 pipel na long dispela yia, ol dispela mama na pikinini wantaim ol papa bilong ol tu i bin laki long kisim

helpim i kam long Taiwan Tred Misin long Mosbi wantaim ol sof dring, wara na rais pekets long mekim kuk wantaim bilong kaikai long Kerols nait progrem.

Ol mama na ol pikinini i bin amamas long helpim we meri bilong bosman bilong Taiwan Tred Misin, Ellen Hu na Shirley Tsay em meri bilong Eksekyutiv Asisten long Misin, i bin givim long grup.

“Mipela amamas long helpim ol mama na ol pikinini long progrem bilong ol long selebretim Krismas,” Misis Hu, i tok, taim ol i bin prisening ol dring samting long grup.

Progrem long Kerols Singing nait long Sande Disemba 23 i bin ron gut tasol. Ol pikinini i gat krismas stat long tupela krismas i bin singsing gut stret na moa yet, dispela 12 Days of Christmas, we wan wan long ol pikinini i bin gat hap long singim long en.

Ol papamama i no bin bilipim olsem ol pikinini bilong ol i ken singsing gut tru olsem. Kaikai i bin pilap kapsait na olgeta pikinini i bin amamas long kisim ol presen long ol sikret pren bilong ol. Wankain tu long ol mama.

Long dispela nait, i bin gat ol liklik “Rudolf the Rednosed Reindeer” i raun insait long grup na amamas long singsing, kaikai na kisim ol presen, olsem poto i soim long en.

Ol papa i gat bikpela sapot long dispela progrem we ol i lukim olsem wanpela rot i yunaitim o bungim wantaim olgeta famili long kompaun na soim strongpela spirit bilong Krismas namel long ol we ol pikinini i ken lukim na bihainim. Em i sans bilong ol pikinini tu long save long singim ol singsing bilong Krismas we ol i save harim tasol long redio na TV.

Komyuniti i gat strongpela tingting long mekim progrem bilong 2013 krismas i gutpela moa moa yet wantaim bikpela sapot bilong ol papamama.



3:GIVIM: (L-R) Ellen Hu em meri bilong bosman bilong Taiwan Tred Misin na Shirley Tsay em meri bilong Eksekyutiv Opisa bilong Misin i givim sof dring na rais olsem donesen bilong ol long ol meri na pikinini bilong Wantok Renbo Kompaun. **Poto: Nicky Bernard**



KAM GUT: Sampela ol liklik Wantok Kompaun pikinini i gat gutpela taim bilong amamas long Kerols nait. **Poto: Nicky Bernard**



OL LIKLIK REINDIA: Kas bilong dispela tupela liklik “Rudolf The Rednosed Reindeer” em long Ramaiah Choi na Teriana Bernard i stailim gut stret na singim ol Krismas singsing long Kerols nait long Wantok Renbo Kompaun. **Poto: Nicky Bernard**

Raun Lukim ol Meri na Pikinini...



OL KEN SINGSING TU YA! Ol Sister ya i save mekim wok tisa long Caritas Gels Teknikel na Sekonderi skul long Nesanel Kapitell Distrik i gat gutpela nek long singsing tu ya! Hia ol singsing long fan resing konset bilong skul ol i kolim long Amamas Krismas, bilong kamapim mani bilong malti pepes skul hal, o hal we ol bai yusim long olgeta samting skul i kamapim long en. **Poto: Bruder Szymon Porwol**

Bavaria Na Asaroka Luteran wok poroman

Paulus Tali i raitim

WOK patnasip i gutpela rot long strongim wanpela narapela long karimaut ol wok bilong ol.

Meri pasto bilong Bavaria long Gemeni, Pasto Verona Thomas, i tok.

Pasto Verona i bin stap long Asaroka Luteran Seket, Goroka long Isten Hailans Provins long Krismas wik long makim ol lain bilong em long kirapim wok poroman namel long Luteran Sios long Neu Ulm long Bavaria, Gemeni na Asaroka PNG Ewanjelikel Luteran Sios (TLC/PNG) long Goroka Distrik.

Wanpela spesel lotu i bin

kamap long Zomoga Peris Asaroka Luteran Seket long tingim Poroman De em de bilong wok patna namel long Neu Ulm long Bavaria Gemeni na Notofona, Kongrigesen long Zomoga Peris.

Long dispela taim, Pasto Verena i bin autim tok bilong God na em tok yumi Kristen bilong tude i mas save long rot bilong wok poroman.

Em i tok God i bungim tupela lain long serim wok patna na givim helpim na sapot igo kam long strongim narapela husat em ino gat strong yet long mekim wok.

Em i tok tu olsem long wanwan laip bilong yumi, yumi noken tingim yumi yet.

"I gat strong tasol em bai

nogat. Yumi mas askim ol narapla long sapot na helpim i ken kamap bihanim rot bilong wok poroman o patnasip," Pasto Verona i tok.

Long wainkain taim, Pasto Isaac Kondri i kisim ol wilwil bilong em i go insait long haus lotu, na Meri pasto i tok klia long ol Kristen bilong Zomoga long lukim pasto i gat wil wil em poroman bilong em husat i save helpim em long wok misin namel long ol Kristen, na tu visitim taim ol i gat hevi wantaim ol hauslain bilong ol.

Pasta i tok long tok bilong wok poroman, wil wil i sawe helpim em tru long wok em i mekim inap 10-pela Krismas long Zomoga, peris.

Em i tok wilwil em i kamap

poroman tru bilong em na taim em bagrap, em nogat poroman long helpim em i sapotim wok misin em, Pasto Verona i tok.

Pasto Verona i tok, olsem Wok poroman i gat kain kain mining bilong em.

"Wok bilong em tu long helpim ol narapela husat i sot, olsem ol mama grup husat i save kamapim senis basket i helpim ol narapla em wok Poroman.

Em i bilip tu olsem sanap long helpim ol narapla long wok poroman i mas go het long sapotim wok Gutnius olsem na EIC Asaroka seket na Neu ulm, Bavaria long kain wok poroman ol i kirapim long em.



Toktok bilong Krismas i kam long Asbisop Joseph Kopapa bilong Angliken Sios long PNG.

Dispela em Krismas na Nupela Yia toktok bilong mi long yupela olgeta. Long wankain taim tu, em i gutbai toktok bilong mi bikos mi bai pinis long wok ministri long pinis bilong yia, 2012.

Tingim ol lain i mekim wok misin long ol longwe na busples

EM i Krismas taim gen na planti Kristen manmeri i wok long kisim ol kain toktok.

Planti ol bisnis haus na pipel i laik mekim winmani na yusim Krismas olsem taim bilong mekim mani lon g en. Dispela i paulim tingting bilong planti pikinini, ol yangpela na ol dispela husat i nogat save long trupela mining bilong Krismas.

Long ol dispela i save stap long taun, ol bai paul moa na tok wanem samting i kamap bikos ol dispela em pasin bilong ol ausait lain.

Tru, pipel i wok long redi long Krismas, tasol ol i no wok long redi long Krais.

Taim yumi lukluk nabaut long ol taun na siti long dispela taim bilong yia, yumi lukim planti samting i wok long kamap. Ol kain toktok olsem "Krismas i kam pinis" o "Krismas i kam hariap tru" long Novemba na Disemba".

Pipel i tok ol i wok long redi long Krismas na ol i amamas, tasol em i no gutpela taim long planti narapela lain tu. Taim bilong Krismas em i sori taim long wanem, ol i lusim ol pikinini, famili memba na ol pren bilong ol bikos ol i wokim nabaut na tromoim nating mani long ol samting i no gutpela na pipel i bisu nogut tru. Pipel bai amamas taim Krismas i go pinis na em i save kamap wanpela taim tasol insait long wanpela yia.

Yumi save selebretim Krismas bikos dispela em de God i givim yumi wanpela spesel na bikpela gif o presen. Yumi selebretim Pikinini bilong God i kam olsem misinari long heven i kam long ples daun.

Taim yumi toktok long pikinini bilong God olsem wanpela misinari, dispela Krismas mi laik tok amaams na tenkyu i go long ol lain we Bikpela i singautim ol long kamap olsem ol Misinari. E mol pater, bisop, dikon, evsnjelis na ol katekis na ol sios lei wok manmeri) Olsem ol aposel bilong Krais, yumi olgeta yumi olgeta i misinari.

Spesel Krismas gritings bilong mi i go long Pated Charlie Roman husat i wok long rurel ples i stap longwe stret namel long Simbai (Madang Provins) na Sepik Provns. Pater Weston Peniara long Safia Misin na ol lain MBH Brider i helpim em long Owens Stanley maunten namel long Oro na Sentrel Provins.

Long yupela na planti husat i wok na stap long ol longwe ples, long dispela kantri, yupela bai kisim Krais long dispela Krismas.

Long Krismas bilong 2011, famili bilong na leit meri bilong mi, Wasita na ol pikinini na ol bubu bilong mi na ol lain givim helpim, mipela i bin go lukim Ela Riva Misin Distrik. Em i wanpela nupela misin ol bin opim long las yia, long lukim Pater napier Jungasiba na famili bilong em. Em i wok hat lon g hap long tupela yia nau long opim na statim dispela nupela misin stesen i stap namel long Oro na Morobe Provins. Wobaut i save kisim wanpela de long dingi long not kos Popondetta na narapela 12-pela awa antap long Wara Eia.

Em bin wanpela bikpela blessing long serim Krais wantaim ol pipel i stap long ol longwe ples olsem.

Olsem Krismas presen, mipela i bin kisim wanpela jenereta bilong stesen na tupela we redio long Pater Napier i ken komyuniket long PNG na wol.

Mi bin amamas long blesim dispela sios na helt pos insait long bikbus we Pater Napier na pipel bilong em i wokim. Mi bin blesim tu nupela hap we ol i wok long sanapim nupela sios bilding long en.

Long yupela husat i stap long dispela kain situesen, mi givim yupela bikpela luksave long laik pasin na gutpela wok yupela iu mekim long skulim pipel na lukautim ol. Mi laik tok strong long olgeta Angliken Sios memba husat i gat taim na risos long givim helpim na sapot i go long ol dispela lain mekim wok bilong Bikpela i stap.

Yupela olgeta i ken gat gutpela Krismas na amamas bilong Nupela Yia, 2013 i ken pondaun antap long yupela.

Gutbai na Aiakoe i kam long Asbisop Joe.



WOK POROMAN: Misinari Pasto meri Verona Thomas na pikinini i bilong em i sanap wantaim sampela memba bilong Zamoga Kongrikesen long kirapim na strongim Wok Poroman. **Poto:** Paulus Tali

Luteran sios meri stap insait long Morobe Tutumang

Paulus Tali i raitim

KAIN kain wok long gavman ol sios i mas gat ol man na meri lida.

Fungke Samana em strongpela lida meri na misis bilong nau i dai Morobe lida Utula Samana i namba wan memba bilong ol Luteran Sios meri i makim maus bilong ol long Morobe Tutumang o gavman.

I no long taim i go pinis, Gavana bilong Morobe, Honorebol Kelly Naru, i bin makim Misis Samana olsem namba wan meri i makim ol Luteran Sios meri long gavman bilong em.

Nau Misis Samana i joinim ol arapela meri olsem Nellie Macklay, em meri bilong bisnisman long Lae, long stap insait long kabinet bilong Gavana Naru.

Gavana Naru i bin tokaut long dispela samting long ai bilong ol Kristen man meri bilong Luteran Sios long haus lotu bilong Martin Luter Seminari long namba 40 greduesen seremoni bilong Martin Luter Seminari.

Long narapela apoinmen tu i bin kamap, Pasto Bafekec Barmarenu, husat i makim Lae Siti seket presiden long kisim nem bilong olgeta sios long Lae taun, tasol em Luteran pasto.

ELC Hagen Distrik yut laik kisim ol yangpela insait long sios ministri

Paulus Tali i raitim

EVANJELIKEL Luteran Sios (ELC/PNG) Hagen Distrik em i wanpela distrik we planti taim i save bringim ol yangpela bilong sios long sapotim ol na ol i noken go insait long ol samting bai bagarapim laip na sindaun bilong ol.

Kodineta bilong Hagen Distrik, Peter Konga i tokim Wantok Sios Nius olsem dispela program bilong bungim olgeta yut husat i stap long ol skul malolo olsem yunivesiti, sekonderi, praimer, komyniti na ol yut long ples tu, long go insait long kain program bilong ol yut.

Long mun Disemba, Hagen Taun ELC/PNG Taun Seket i bin lukim planti Luteran pikinini insait long 13-pela seket long Hagen Distrik i bung long tripela de yut kem bilong ol.

Planti long kem em ol yangpela bilong Hailans na liklik lain em ol bilong ol nambis distrik.

Ol yut i no stap nating tasol ol i kisim Baibel Stadi we tupela pasto i bin go pas long givim stadi long strongim laip bilong ol yangpela long Hagen Distrik.

Tu em bin bringim ol yut i

kam long olgeta hap bilong distrik insait long Hagen yet.

Hagen Taun seket i go pas long lukautim kem na ples slip bilong ol yangpela.

Planti yangpela i bin tok ol i amamas long kamap long Krismas kem na ol i laik lukim moa senis i mas kamap long laip bilong man meri.

Tupela stadi masta em Pasto Joseph Gende na narapla wanwok bilong em husat i go pas long Baibel Stadi i bin tokim ol yut bilong Hagen Distrik, long lluk luk gut long laip, nau tu, yu givim taim bilong ol long wok ministri na ol bai yu inap lukim moa senis na blesing long laip bilong ol.

Kodineta, Mista Konga i tok kain kem olsem i save kamap long olgeta yia bilong bringim ol yangpela long save gut long laip, bilong ol.

Kem i bin kamap long mun Disemba17 na pinis long Disemba 19, 2012 long givim spes long ol yangpela i ken luk uk i go long krsimas de na tingim bonde bilong Jisas we mama karim em long ples i no gutpela we i haus kaikai bilong ol bulmakau.

Long dispela taim tu, ol yut bilong Kopun insait long Hagen distrik na is tap namel long boda bilong Madang na

Hagen i bin amamas tru long kam long bung.

Ol bin tok ol i no save kamap tumas long kain bung olsem na em i pes taim bilong ol na ol lukim planti samting long kem.

Na ol i amamas na givim tenkyu long God long kain Krismas kem we i bungim ol yangpela na luksave tru long Baibel Stadi, na tingim Jisas long laip bilong ol yet.

Wanpela lida bilong Kopun seket em Mista Poya i tok amamas long kain bung na em laikim ol wan wan seket i bin stap insait long dispela Krismas yut kem.

Planti long ol sumatin i bin kam long yunivesiti, sekonderi, haiskul, praimer na kominiti skul, i bin givim taim tru long Krismas Kem.

Long kem, ol yangpela bilong ol wanwan seket i bin putim kamap ol drama na ol samting sios, ministri.

Hagen Taun Seket i bin hostim kem long Tega Luteran Praimeri Skul klostu long Kagamuga ples balus.

Kodineta Konga i bin tok tenkyu long olgeta yut long 13-pela seket long stap insait long Krismas kem na tenkyu tu long tupela pasta long givim taim bilong ol long givim Baibel Stadi skul.



WANTOK
KOMENTRI

2013 mas yia bilong apim ol turangu lain

DISPELA yia, em i mas yia bilong apim ol lain turangu, na pasim dispela bikpela spes namel long ol lain manmeri i gat mani, na ol lain manmeri i nogat.

Las yia, planti kantri long wol i bungim hevi long pasin bilong stilim mani, na pasin bilong ol mani manmeri i tingim ol yet, na i no tingim, o givim sans long ol liklik manmeri i nogat wankain mani na sans long laip.

Insait long Nu Yia toktok bilong em i go long ol Katolik bilip-manmeri na i go aut long ples graun, Pop Benedict 16, i makim dispela toktok, na i no abrus.

Ol lain manmeri long wol nau, wankain olsem ol kantri, husat i gat bikpela mani, na i sindaun gut, i no save tingim ol manmeri o kantri i nogat inap kaikai, o i nogat inap save-manmeri, o i nogat inap sans bilong stretim sindaun bilong ol yet.

Long taim bilong ol birua bilong mama graun, long as bilong olgeta krosipait na hevi long wol, dispela samting na pasin i stap.

Sapos yumi olgeta, ol manmeri, gavman, pablik sevan, na bosmanmeri bilong olgeta wok bisnis long kantri, i bihainim tingting bilong luksave, na bihainim stretpela pasin bilong wok bisnis, na wok luksave, ating bai yumi ken senis, na painim gutpela taim.

Samting yumi ol liklik manmeri long PNG i pilim, taim yumi save lukim ol lida i stilim na tromoi mani olsem pepa nating, em i wankain tingting ol arapela lain turangu manmeri long wol i gat.

Em i wankain tingting na hevi ol kantri bilong wol i nogat inap mani, i sindaun wantaim.

Yumi gat wanpela praim minista na gavman i wok long senisim rot bilong painim gutpela sindaun.

Ol i noken abrus.

Sapos ol i mekim ol dispela naispela tok promis, long givim fri edukesen, long givim fri helt sevis, na long stretim olgeta rot na bris bilong yumi, ol i mas mekim.

Sapos ol i tok ol i laik strongim ol liklik manmeri bilong yumi yet long sanapim bisnis na mekim winmani, ol i mas mekim.

Yumi stap nau long mak bilong go insait long gutpela senis, na i no long lusim laip long painim.

Gavman i mas tingim dispela, na wanwan lida, wokmanmeri, na pablik sevan tu i mas tingim.

Ol i holim bihain taim sindaun, na laip bilong ol pikinini bilong yumi olgeta.

Ol i noken abrus.

Is Nu Briten bungim gut Nu Yia

Michael Novingu i raitim

OL MANMERI bilong Is Nu Briten i amamas nu yia wantaim trupela na stretpela pasin.

I nogat bikpela hevi o bagarap i kamap long taim provins i painim Januari 1, 2013.

Ekting Provinsal Polis Komanda long Is Nu Briten, Suprintenden Anton Yapu, i tokim Wantok Niuspepa olsem i nogat hevi i kamap long taim bilong ol pipel i

amamasim nu yia long Is Nu Briten.

Mista Yapu i tok foapela distrik long Is Nu Briten, em Rabaul, Kokopo, Gesel, na Pomio, i amamasim nu yia wantaim trupela na stretpela pasin insait long ol hauslain na famili bilong ol yet.

Moa yet, em i tok olsem planti manmeri wantaim ol famili bilong ol i bin go lotu, na bihain long lotu, ol i stap isi na selebretim nu yia wantaim famili bilong ol tasol.

Ol polismanmeri bilong Mista Yapu i karimaut awenes long taim bilong Krismas, na Nu Yia long foapela distrik olgeta, na i lukim ol manmeri bilong provins i harim tok na bihainim loa na oda.

Long wankain taim, Mista Yapu i tok tenkyu long ol pipel bilong provins long harim tok bilong ol.

Em i askim ol long holim dispela kain gutpela pasin i stap oltaim long gutpela bilong ol manmeri long Is Nu Briten.

Wol nius long poto...



AMAMAS NA SORE BILONG NU YIA: Long lephan poto, London i soim stail bilong en wantaim ol faiawoks long Nu Yia, na long raithan sait, ol samting bilong moa long 60 manmeri long Ivori Kous long Afrika i lusim laip taim bikpela taim nogut i kamap taim ol manmeri i pulap long wanpela stedium long lukim ol faiawoks bilong makim Nu Yia.

WANTOK

Published Weekly, Thursday, for Word Publishing Company, Ltd. P.O. Box 1982, Boroko, NCD Papua New Guinea

Telephone: (675) 325 2500

Fax: (675) 325 2579

Email: editorial@wantok.com.pg

Pe bilong wanpela yia 52 niuspepa

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager Elizabeth Konga

Editor Neville Choi

Published at Able Building Complex, Sec 58 Lot 02, Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Ltd and are set out full on the display advertising form.



TOK PISIN NEWS

from Radio Australia

radioaustralia.net.au

Harim TOK PISIN long
Radio Australia
101.9FM
Port Moresby

Tok Pisin Service	
6am - 7am	6080; 7240(KHZ)
7pm - 9pm	5995; 6020; 9710; 1280(KHZ)

Vanuatu i amamas long planti turis

TURISIM opis long Port Vila i tok, ol hotel na motel i bin stat long pulap yet long mun Desemba na bai stap olsem inap long pinis bilong dispela mun.

Ol i tok tu olsem ol i amamas long lukim planti turis i kam long ol bikpela krus sip is tap raun nau long Vanuatu.

Sebastian Baldor, i Ekting Jeneral Menesa bilong Vanuatu turisim opis i tok dispela i gutpela moa long ekonomi bilong kantri.

Fiji praim minista laik long kantri i gat nupela flek

INTERIM Praim Minista bilong Fiji, Frank Bainimarama, i tok Fiji i mas gat nupela flek we i makim tru tru aidentiti o nem bilong kantri.

Komodo Bainimarama i bin tokaut long dispela long toktok bilong en long kantri long makim Nu Yia.

Tasol em i no mekim toktok long dispela Yunion Jek Flek bilong Ingran we i stap long flek bilong Fiji, na sapos em bai stap yet, o bai ol i rausim.

Flek bilong Fiji nau yet i gat Yunion Jek long top lephan kona na sil bilong kot ova ms bilong Fijii stap long raithan sait.

Long mun Novemba, Risev Benk bilong Fiji i rausim het bilong Kwin Elisabeth 2 long mani bilong ol, na putim nupela piksa bilong ol enimal na flawa na diwai bilong Fiji yet.

Long toktok bilong en long Nu Yia, Komodo Bainimarama i toktok long nupela mama loa bilong kantri we e mi toke m bai redi insait long tripela mun.

Em i tok dispela bai makim rot bilong votim nupela gavman long 2014.

Em i tok ol dispela senis i soim nupela tingting long kantri long makim ol trutru mak bilong Fiji na nupela bilip long Fiji long wol.

Amerika gavman i abrusim hevi long baset na ekonomi

OL midia ripot i tok Presiden Barack Obama, na ol Senet Ripabliken i wanbel long baset na i abrusim bikpela hevi ol i kolim 'fiskal klif'.

US Vais Presiden, Joe Biden i halivim long stretim dispela wanbel.

Washington Post i tok dispela agrimen we Vais Presiden, Joe Biden i mekim, bai larim gavman i apim mak bilong ol inkam takis long bikpela mak long namba wan taim insait long moa long 20 yia. Dispela i makim Presiden Obama i kipim tok promis bilong en long apim mak bilong takis bilong ol ris manmeri.

Dispela i minim ol ris pipel long Amerika bai peim bikpela takis – em ol husat i save kisim moa long \$US 450,000 long wanpela yia. Tasol em i no karamapim ol arapela, na bai em no mekim \$US 109 bilian long baset kat long gavman sistem insait long



AUTIM BELHAT TINGTING: Ol lain manmeri long India i raitim wanpela posta i sapotim gavman long i mas hangamapim na kilim indai ol man repis i bin bagarapim na paitim wanpela meri, 23 krismas bilong en, long wanpela pablik PMV bas long Januari 1, 2013.

tupela mun. Wanpela top kongresenal eid o mausman, nau i tokim AFP long dispela.

Dispela agrimen i karamapim ol spending kat na inkris long mani bilong gavman bilong peim dilei o apruvim dispela agrimen.

Insait long ol dispela kat long spending, 50% bai kam long difens na 50 pesen long ol arapela eria.

Mista Biden, husat i mekim dispela dil, wantaim Ripabliken Senet majoriti, lida Mitch McConnell, i stap long Kapitol Hil long promotim long ol Demokret seneta.

Ol i kam aut long miting bilong ol wantaim vais presiden na i tok i bin gat strongpela sapot long wanpela long dispela loa i kamap hariap.

Dispela dil i minim Amerika i go bek gen long taim bilong Presiden Bill Clinton, taim 39.6% bilong ol hauslain we i kisim \$US450,000 mani mak na i go antap i peim hai takis.

Nogat sevei yet bihainim Saiklon Freda long Solomon Ailans

I BIN nogat wanpela wok painim aut yet bihain long Saiklon Freda long Solomon Ailans long las wiken.

Ol disasta atoriti long Solomon Ailans i no mekim wanpela sevei from antap long balus yet long painim aut wanem kain hevi tru nau Saiklon Freda i bin kamapim long kantri long las wiken.

Progrem na Midia opisa bilong Nesanel Disasta Menesmen Opis, Sipuru Rove, i tok dispela em long wanem ol i nogat helikopta o balus long flai i go long lukluk antap long ol ailan we saiklon i bin hamarim.

Mista Rove i tok ol ailan ya nau i

Rennell na Bellona, Makira, Guadalcanal na Malaita – tasol westen hap bilong kantri i no bin filim dispela saiklon na i nogat ren na i stap drai.

Em i tok tupela ailan bilong Rennell na Bellona nau Sailon i bin hamarim bikpela long wiken na long nau ya, ol telefon sistem i daun yet.

Mista Rove i tok, Nesanel Disasta Menesmen Opis i nogat helikopta oa balus bilong en yet long mekim sevei long antap long ol ailan we saiklon i bagarapim.

Em i tok bai ol i traim long mekim dispela sevei long balus sapos ol i ken kisim helikopta na balus long wokim dispela wok.

Ol namba wan ripot ol i kisim i tok bikpela asua nau em long sait long agrikalsa na sait long ol samting olsem rot na bris.

Pacific BEAT

4. 5. 6am & 4pm. 5pm
including sport

Listen to Radio Australia
101.9FM Port Moresby

Radio Australia current affairs programme which focuses on island nations, bringing you morning and evening coverage of Pacific current affairs including interviews with political leaders, newsmakers, and the people who make the Pacific beat.



Program bilong Wanwan De

De - Mande - Fraide

6am - 10am - Sankamap show - Host: Kas.T
6:00am - Major Nius Bulletin
6:15am - Komuniti Notis Bod
6:25am - Taim Bifo - wangepa singsing b'long bifo.

Tasol
9:30am - Final aua cruz
10am - 3pm - Morin Trek na Belo Pack
10:00am - Major Nius Bulletin - YUMIFM Nius Senta

2:00pm - Major Nius Bulletin - YUMIFM Nius
2:05pm - YU TOK - komiuniti awenes program
2:45pm - YUMI PANIM WOK Segment

6:10pm - 7:00pm Mon kamap sho
6:45pm - Komuniti Notis Bod
7:00pm - 9:00pm - COCA COLA GARAMUT

Sarere belo cruz - Host: Tuluvan Vitz
1pm - 2pm - Sarere Belo Taim Dedikesen
2:00pm - NIUS - YUMIFM Nius Senta

RADIO AUSTRALIA TOK PISIN PROGRAM HARIM LONG: 101.9 FM

6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

TUNDE - Moring - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

TRINDE - Moring - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

FONDE - Moring - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

FRAIDE - Moring - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

SARERE - Nait
7PM Stesen op - Ol Nius Hetlain/Program Priviu
7.05PM Musik na Chit Chat

SANDE - Nait
7PM Stesen op - Ol Nius Hetlain/Program Priviu
7.05PM Musik na Chit Chat

Raun wantaim Wantok kru ...



Lukluk long Entatenmen long 2012

INSAIT long 2012 Entatenmen kisim wanwan bikipela amamas we i kamapim nem liklik bilong dispela yia, planti bilong ol dispela amamas i kam long bikipela nem ben na tu ol musik manmeri bilong yumi insait long Papua Niugini.

Long statim yia bilong yumi long 2012, i nogat wangepa bikipela amamas o bikipela konset so kamap, planti amamas i kam namel bilong yia.

Ol liklik amamas tasol bin kamap long sampela liklik ples bilong malolo olsem long 14 mail pak, ol kisim ol liklik wilwil bilong wara we i ken karim 4-pela man-

meri long wangepa taim, ol opim wara welwel we bai yu stap antap na wel kam daun long wara pul. Em wankain tasol long Ela nambis i gat bilong em yet.

Long sait bilong ol musik na ben, 2012 i no pairap olsem sampela yia go pinis. George Telek na wangepa yangpela grup bilong Australia bin mekim liklik pairap long Australia wik na bihain Sanguma tu bin mekim kam bek na pairap bilong em tu long namel bilong yia.

Popula musik awod bilong Yumi FM ating em bikipela bilong dispela yia, i nogat wangepa bikipela moa so o konset bin

kamap.

Digicel Star 3 na PNG Idol long dispela yia bin pulim planti ol yangpela manmeri we krismas bilong stat long 16 na go antap. Dispela tupela singsing kompetisen nau i wok long pulim laik bilong planti ol yangpela. Digicel Star i save raun long sampela bik nem provins olsem Alotau, Rabaul, Lae na Mosbi long painim husat i ken winim dispela bikipela prais mani. Em wankain tasol olsem PNG Idol we Niugini Ice na Lamana i bringim, PNG Idol long nambawan taim i go aut long ol narapela provins na wansol wara bilong yumi Soloman

Ailan long painim husat gat gutpela nek bilong singsing na winim bikipela prais mani.

Dispela ol amamas tasol bin mekim 2012 bin wangepa gutpela yia we nogat ol bikipela hevi bin kamap long em.

Bai yumi put iau, ai na tingting long nupela yia kam na wanem ol bikipela amamas bai kamap long dispela nupela yia, nambawan amamas bai yumi amamasim em nupela yia, tasol tingting nupela yia mas noken givim yu hevi taim yu amamasim.

Amamas bilong Krismas na Nupela Yia stap wantaim yupela

EMTV Television Guide

FONDE JANUERI 3, 2013

8:00 PM G RESOURCE PNG EP#31 REPEAT
9:00 PM G TBA
10:00 PM G EMTV NEWS REPLAY
4:57 AM G AUSTRALIA NETWORK
5:00 AM G JOYCE MEYER
5:30 AM G EMTV NEWS REPLAY
EMTV brings you a flashback of yes terday's National News, sports and weather.

FRAIDE JANUERI 4, 2013

4:57 AM G AUSTRALIA NETWORK
5:00 AM G JOYCE MEYER
5:30 AM G EMTV NEWS REPLAY
EMTV brings you a flashback of yes terday's National News, sports and weather.

SARADE JANUERI 5, 2013

4:57 AM G AUSTRALIA NETWORK
6:30 AM G EMTV NEWS REPLAY
7:30 AM G ULTIMATE GUINNESS WORLD RECORD Ep# 3/52 - (2nd run)
8:00 AM G YOGA SUTRA EP# 26 Rpt.

SANDE JANUERI 6, 2013

4:57 AM G AUSTRALIA NETWORK
6:30 AM G EMTV NEWS REPLAY
7:00 AM G HILLSONG

7:30 AM G AUSTRALIA NETWORK
8:00 AM G YOGA SUTRA #27
8:30 AM G BUSINESS PNG Rpt Ep#20
9:00 AM G MARTIN MYSTERY #20
9:30 AM G OLSEM WANEM Rpt Ep#4
Youth Development
10:00 AM G RESOURCE PNG - Rpt Ep#30
11:00 AM G AROUND THE WORLD IN 85 PLATES S1 EP#41 & 42
12:00 PM G THE CRICKET SHOW
12:30 PM G CRICKET TEST MATCH
Australia vs. Sri Lanka
3rd Test - Day 4
5:00 PM G TBA
5:00 PM G TBA
6:00 PM G EMTV NATIONAL NEWS
6:30 PM G MOTU GADODIA S2 - EP#4/12
7:00 PM G PACIFIC WAY
7:30 PM G 60 MINUTES - Summer Series
8:30 PM MAO MOVIE: "US MARSHALLS"
10:30 PM G HILLSONGRpt....

penprenkanagelaipain

Raun wantaim Kanage olgeta wik



NEM: Ludwick Monduk
KRISMAS: 25 (man)
ADRES: C/- Clerance Kombukun, PO Box 302, Kimbe, West New Britain Provins
SAVE LAIKIM: Rit, mekim pani, wok, pilai, harim musik, lukim TV na mekim poroman.

NEM: Monita Raio
KRISMAS: 22 (meri)
ADRES: Lae Ever Green, PO Box 167, Lae Morobe Provins
SAVE LAIKIM: Go Lotu, RitimBaibel, pilai gita, singsing, mekim poroman, pilai ol bol gem, wok long gaden, wasim ol klos na raitim pas.

NEM: Womie Ben- Efore
KRISMAS: 26 (man)
ADRES: C/- Christ For The Nations, PO Box 1332, Lae, Morobe Provins PNG
SAVE LAIKIM: Lainim tok ples, senisim presen, harim musik, gaden na painim wanpela poromeri long stap wantaim oltaim.

NEM: Aweqwii de Paps
KRISMAS: 24
ADRES: K- Toro Hire Cars, PO Box 111, Vanimo, Sandaun Provins
SAVE LAIKIM: Go Lotu, ritim ol buk o niuspepa na mekim pren.

NEM: Gitfty Ocloo
KRISMAS: 34 (meri)
ADRES: PO Box 35, Agona Nyakrom, Ghana - Phn: 0023354787139
SAVE LAIKIM: Raitim pas, painim wanpela man long maritim na stap wantaim oltaim.

NEM: Shirley Hori
KRISMAS: 18 (meri)
ADRES: Marinumbo Primary School, PO Box 352, Wewak, East Sepik Provins
SAVE LAIKIM: Harimm, danis, kuk, wasim klos, pilai spots, Go Lotu, mekim pani na go swimming

NEM: Sharon Tatapai
KRISMAS: 15 (meri)
ADRES: Yaraka Memorial School, PO Box 532, Kavieng, New Ireland Provins
SAVE LAIKIM: Go Lotu, lukluk CD na pilai spots.

NEM: Nasain Kalvin
KRISMAS: 14 (meri)
ADRES: Yaraka Memorial School, PO Box 532, Kavieng, New Ireland Provins
SAVE LAIKIM: Pilai Spots, Go Lotu, Lukim CD na rit planti

NEM: Karl Pewa
KRISMAS: 30 (man)
ADRES: Semoroks Gospel Club, PO Box 3368, Lae, Morobe Provins.
SAVE LAIKIM: Stap wantaim Jisas, Pilaim gospel musik na laikim kristen Lutheran meri o arapela sios meri husat igat strongpela tingting long pilaim musik bilong God.

NEM: Darren Kalvin
KRISMAS: 15 (man)
ADRES: Yaraka Memorial School, PO Box 532, Kavieng, New Ireland Provins
SAVE LAIKIM: Lukim CD/Pilai Spots na Ridim buk

Kanage i wokabaut

WANPELA taim Kanage i stap long Erave na wokabaut i go long Kagua. Turangu nogat mani long baim PMV so em kilim skin long wokabaut long lek.

Tuhat na sun kukim em tasol em i go yet. Namel long rot, em i lukim tupela pisin i stap long diwai, Kanage kwik taim tasol em i kisim sling sot na em sutim tupela pisin. Long wanpela ston tasol em i sutim tupela pisin i go daun. Em kisim tupela pisin na em stat long wokabaut. Taim Kanage i wokabaut i stap, wanpela kar i kam. Kwik taim tasol Kanage i stopim kar ya na em i kam stop.

Driva i kirap na askim Kanage, Why did you stop the car? Don't say, why did, me laikim kar. For what reason? Hire bases, yu laik to see me gat tupela pisin i hat long karim. Draiva i kirap na askim Kanage. How much for hire? Kanage kirap na tokim driva ya, hayarim long wan silin tu silin.

Kanage putim tupela pisin long bek-sait long kar na ol tek op i go. Taim kar i ron i go yet, foapela taya bilong kar i pans. Kwik taim tru driva i kam ausait long kar na askim Kanage; hey! Yu karim sampela malala o skin diwai na mekim o? Kanage kirap tokim driva ya, "luk, hevi bilong tupela pisin ya i mekim i winim hevi bilong tupela kau, na matala bisnis. Yu blem the two pisin. Yu dispela a driva i ekting stret na yu putim gia bilong yu long 60 i go ap 20 rives ya na foapela taya bilong yu pans i go daun". Kanage kirap na tokim driva ya, Driva olsem em right ah?

Yu kisim taim tu, mi tu kisim taim tu na ikwals Bam Bam— Driva i belhat na



em i rausim Kanage i go daun long kain toktok bilong en.

Martin Ipitango
Galu Erave
S.H.P

Maunten paia

Maunten paia long Manam na wesani pundaun long olgeta hap. Planti tru i pundaun long gras kantri long Angoram distrik.

Olgeta sak sak kanu i pulap long wesani. Monin tru ol meri long ples ol i bung na stori long wanem samting i kamap.

Taim Kanage i harim olsem em i tokim meri bilong em. Em nau ples nogut bilong ol sin man i paia pinis long hel. Nau yumi lukim das bilong ol bun bilong ol i kam long yumi.

Dai man i pundaun kam daun na wasim yumi.

Bai yumi i no inap dai moa na tu bai nogat las de moa. Bai yumi stap long ples long de taim tasol na wetim ol man i dai tasol na wetim ol man i dai bipo bai tromoi tin pis na rais kamdaun long yumi olsem dispela wesani i pundaun nau ya.

Taim ol meri harim ol kon stori bilong em, ol i kalap kalap na paitim han na ol i singaut, "Hepi gut de Kanage. Wis yu ol the bes. Lip fo eva mo. Hel i pinis na heven i kamap."

Carl Lenua
Samban base.

Longpela bet

Kanage slip antap long longpela bet

insait long haus.
 Wanpela nait bihain long lait i of, ol haus lain i harim bikpela nois pairap long flo bilong haus.

Na olgeta i rong i go long lukim wanem samting i mekim bikpela nois stret.

Taim ol i lukluk ol i lukim Kanage i sanap isi long flo na taim Kanage i lukim ol em i hariap tru long painim ki bilong kabot bilong em.

Samting tru em, em i pundaun long flo na mekim bikpela nois.

Hompri Primary
Morobe provins.

Wanpela yangpela mangi wok long mekim kaikai sopin bilong en long maket. Kanage tu i bin i stap salim banana bilong en i stap. na mangi i go na askim Kanage. "Hau mas long banana bilong yu?"

Kanage em slip stap na em i no save olsem mangi i askim wanem samting stret.

Mangi i askim gen tasol stil Kanage i no mekim wanpela bekim.

Mangi i laikim banana bilong Kanage na i laikim stret long baim na em i singaut antap stret long Kanage na Kanage kirap nogut tru na tok, "AAAAAAA.....amas"

Ebyn Seseru

Ol skwat!
Salim ol gutpela Kanage tok pilai i kam long:
Kanage Tok Pilai
P.O. Box 1982,
Boroko, NCD
Port Moresby.
Email: atolire@wantok.com.pg

Boipren i bikhhet long mi.

Dia Laipain

Mi wanpela sumatin meri i gat 19 kris-mas na wokim Gret 12 long Sekonderi skul.

Mi gat boipren pinis we mitupela i bin bung taim mipela i wokim Gret 3. Bikos long skul, mi nau stap long narapela provins.

Taim mi skul i stap long narapela provins, kasen susa bilong mi i tokim mi olsem em i raun wantaim boipren bilong mi. Mi wari na sori nogut tru taim mi harim dispela nius. Taim mi go long Krismas malolo, mi askim boipren na em i tok dispela nius em i tru. Taim em i toktok, em i lukluk stret long ai bilong mi na em i tok mi olsem mi namba wan lewa bilong em stret na oltaim bai mi stap olsem gel bilong em.

Long mi tu, em i namba wan boipren mi gat na em tu i bin katim lewa bilong mi. Na mitupela i bin promis olsem bai mitupela i marit taim mipela i pinisim skul. Kasen bilong mi i tokim mi long lusim em tasol mi painim hat long lusim tingting long em, maski em bin tok em bin raun wantaim kasen susa bilong mi.

Plis helpim mi.

Undecided Lover

Dia Pren

TENKYU long serim wari bilong yu wantaim mipela. Mipela i sori long ritim stori bilong yu na mipela i luksave long no amamas bilong yu wantaim longpela taim boipren bilong yu.

Pren, mipela i save kisim ol wankain pas long planti meri wantaim dispela kain wari. Mipela i luksave olsem bikos yutupela i poroman longpela taim, em i no isi long luksave olsem em i wok long lukim



narapela meri. Na i no narapela meri tasol kasen susa bilong yu.

Yu wok long painim hat long lusim em bikos olsem yu tok, em i namba wan boipren bilong yu. Na yutupela i bin tok promis long marit bihain long yutupela i pinisim skul. Yu pilim olsem wanem nau long dispela promis bihain long man i wokim bikhhet pasin long yu. Hau bai yu save olsem em bai em ino inap mekim ol bikhhet pasin gen? Lukim yu long ai na tokim yu olsem yu namba wan lewai mas noken mekim yu bilip olsem em i gat bikpela laik na long wankain taim, em i no stretim asua bilong em. Bai yu trastim em yet gen?

Yu tok tu olsem em i namba wan boipren yu laikim tumas na em i namba wan lewa bilong yu. Yu ting em i wokim trupela toktok taim em i tok em i gat laik long yu tasol lukim narapela husat i kasen bilong yu?

Pren, yu klia long wanem em trupela lav o laik pasin? Lav em maski wanem samting, yu mas pas wantaim na mekim gut long narapela husat yu pren wantaim. Lav i min olsem yu no tingim yu yet bikos yu tingim patna bilong yu moa yet long yu yet. Hia em tupela wod yu mas sekim na save long mining bilong ol. Em long "Lust" na "Infatuation".

Ol papamama bilong yu i olsem

wanem, ol i tok orait long yu i gat boipren? Mipela i laikim yu mas tingting strong long skul bilong yu. Ating dispela i kamap long mekim yu tingting long prensip bilong yu wantaim manki ya. i moabeta yu lusim em na yu wok strong long stadi bilong yu. Sapos em i laikim yu tru, em i ken helpim yu wet inap yu pinisim skul, painim wok na bihain long dispela, plenim marit bilong yutupela.

Yu luksave olsem taim yu gat boipren yu givim yu yet moa wok antap long ol stadi bilong yu? Ol taim we yu inap long yusim long mekim stadi bilong yu gut em yu yusim long tingim na mekim ol samting i sut long boipren bilong yu. Tru tru, yu nogat wanpela samting i pasim yu wantaim dispela manki, tasol bikos yupela i bin mekim promis, yu wok long yusim taim na spes bilong yu long tingim em.

Mipela i strongim yu long serim ol wari yu gat wantaim ol narapela gutpela pren o papamama na ol i ken helpim yu. Sapos yu memba bilong wanpela sios o lotu, i moabeta yu go lukim Pasto long givim yu sampela gutpela stiatok.

Mi Pren bilong yu
Laipain

Sapos yu gat wari o hevi, rait i kam long dispela etres: Lifeline Counselling Services, P O Box 6047, BOROKO, National Capital District, PNG. Yu ken ringim opis long telepon namba 3260011 o 3261680. O sapos yu stap long NCD, kam na lukim mipela long opis bilong mipela long Waigani. Mipela i no inap putim trupela nem bilong yu long niuspepa, tasol mipela bai putim ol wari na hevi bilong yu.
Laipain

Milen Be bai pulim moa turis sip

MILEN Be provins bai kamap nupela hap bilong ol turis krus sip long kam sua long en, bihain long Rabaul.

Dispela i bihainim kamap bilong Carnival Australia, wanpela long ol namba wan krus sip opereta long Australia na PNG Ports Corporation i karimaut haidrografik sevei bilong solwara i stap long Trobrien Ailans.

"Ol dispela haidrografik sevei bai kamap long graun aninit long solwara raunim Kiriwina na Kitava ailan. Long ol samting mipela i painim long ol dispela stadi, bai mipela i ken raitim ol mep bilong solwara bai ol krus sip i ken stia gut i go insait long ol ailan," Sif Eksekutiv Opisa bilong PNG Ports, Stanley Alphonse.

Mista Alphonse i tok PNG Ports i bilip strong long developim krus sip turisim long Papua Niugini, na bai

givim mani inap long manimak K226, 607.54.

Dispela manimak i bihainim wanpela tok promis Mista Alphonse i givim long krus sip developmen miting long Sidni long Desemba 4, las yia.

Long dispela miting, we ol Sif Eksekutiv Opisa bilong PNG Turisim Promosen Atoriti, Peter Vincent i bin stap long en, luksave i bin stap long PNG Ports, olsem wanpela bikpela stekholda bilong strongim krus sip turisim developmen strateji bilong PNG.

Namba wan krus sip bilong sua long Milen Be, em P&O Cruises, long Oktoba 2013. Em na namba wan long planti arapela krus sip bai kam long Brisben na Sidni," Mike Drake, Dairekta bilong Marin Operesens wantaim Carnival Australia, i tok.

Carnival Australia i lukautim P&O Cruises.



OL BAI KAM: Ol bikpela turisim krus sip bai kam long Milen Be.

Sapan makim 100 milien long sapotim indastrel wok

David Bill Leo (UPNG janelisim sumatin) i raitim

GAVMAN bilong Sapan i makim 100 milien aninit long komisn bilong gren aid ikwipmen (ol tul na masin bilong wok) long sapotim indastrial wok long kamapim moa developmen long Papua Niugini.

Dipatmen bilong Nesenel Plening na Monitaring i tok long Pot Mosbi long liklik seremoni we Embasi bilong Sapan i givim 5-pela ka aninit long gren aid.

Embeseda bilong Sapan long Papua Niugini, Hiroharu Iwasaki i tok ol dispela ka long sapotim lojistik wok olsem edukesen na helt

sekta insait long ol miliniem developmen gol (MDGs).

"Dispela ka em ol wok aninit long gren aid komisn i makim long sapotim na karimaut ol indastrial prodak bilong ekonomik na sosol developmen we Gavman bilong Sapan i bin givim mani long en," Iwawsak i tok.

Wanwan ka bai go long dipatmen bilong edukesen, nesenel plening na monitoring, foren afeas na tred, nesenel kapitel distrik na sentral provins.

Namba tu sekreteri bilong nesenel plening na monitoring dipatmen, Richard Thanda i tok tenkyu olsem Sapan Gavman bin wokim pinis 15-pela bris long Bogenvil

Ailan na wanpela maket long Wewak.

"Dispela 100 milien projek mak bai helpim indastrel wok insait long wanwan dipatmen long karimaut wok bilong ol long nesenel kapitel distrik," Thanda i tok.

Gavman bilong Sapan i ting olsem dispela helpim bai strongim moa prensip namel long tupela kantri.

Dispela sapot prodak em ol wokim long stretim gen Tohoku distrik long Is Sapan, ples we bikpela graun gurua na sunami i bin kamap long 11 Mas, 2011 na dispela helpim i lukluk strong long kamapim moa developmen long PNG.

Tokua ples balus papagraun laikim peimen

OL papagraun long Tokua ples balus long Is Nu Briten i askim nesenel gavman long peim ol K7 milian gavman i mekim promis long peim ol aninit long Chan gavman long 1984.

Bernard Wangunia, husat i siaman bilong Toka papagraun asosiesen, i makim sevenpela wanpisin papagraun i tok olsem nesenel gavman i tok promis long peim ol papagraun long mani mak K7 milian long 1984, tasol ol i no peim ol inap nau.

Em i tok olsem planti papagraun i wetim dispela mani na ol i dai

pinis, i no gutpela pasin gavman i mekim long ol.

Wangunia i tok, em i sori long lukim ol papagraun i sanap lukluk tasol long tumbuna graun bilong ol, we ol arapela lain i yusim long wok bisnis.

Moa yet, em i tok ol papagraun i no kisim wanpela helpim long graun bilong ol i kam long gavman, o givim ol spin op bisnis long kirapim developmen long kisim sevis i go long pipel bilong ENB.

Wangunia it ok olsem sapos gavman i laik kirapim namba tu hap long developim Tokua ples balus,

em i mas stretim komitmen em i mekim, pastaim long wok developmen i go het.

Em i singaut long Is Nu Briten Gavana, Eremam To Baining Junia, na Is Nu Briten provinsal administresen wantaim O'Neill-Dion gavman long harip long lukluk i go insait long dispela hevi, na stretim pastaim long wok i kirap long namba tu hap bilong developmen long Tokua ples balus.

Wangunia i tok sapos gavman i no stretim dispela hevi hariap, ol bai painim narapela rot long stretim dispela hevi.



Nu Yok siti tok welkam long 2013

OL LIKLIK pepa ol i konfeti, i pundaun na plai nabaut long Nu Yok Siti, na ol manmeri i amamas na bungim namba wan de bilong 2013 long Times Skwea bihain long kilok i makim Januari 1, 2013. I go inap long Nu Yia, Amerika i bin belsut, olsem gavman bilong ol bai no inap long tok oraitim wanpela nupela loa bilong apim mak bilong takis i go long ol lain manmeri i gat planti mani.



Ramu NiCo Laterait Main Em Namba-5 Bikpela Long Wol

MI MAKIM 40,000 pipel bilong Usino-Bundi distrik long Madang provins long tokaut olsem pipel bilong mi i amamas tru long MCC long kamapim invesmen bilong en long distrik bilong mi."

Memba bilong Usino-Bundi, Anton Yagama i bin mekim dispela toktok long Trinde, Disemba 5, 2012 long Madang Risot Hotel, taim em i tok welkam long bikpela lain grup bilong China, olsem Presiden bilong MCC Grup Mista Guo Wenqing.

"Stat long maunten bilong Usino-Bundi i go daun long nambis bilong Raikos, mi ken tokaut olsem planti lain i wok long luksave nau long senis Ramu Projek i wok long kamapim," Mista Yagama i tokaut. Mista Yagama i tokaut olsem kam na stap bilong Ramu NiCo (MCC) bai bringim bikpela senis na developmen long distrik bilong em long Usino-Bundi.

Minista bilong Maining, Byron Chan, husat i bin go long Madang na stap long seremoni i tokaut olsem sapos Ramu NiCo Projek i no bin kamap, ating PNG bai ino inap save olsem i gat ol narapela mineral i stap long graun bilong yumi. Yumi ga gol na kopa tasol.

Praim Minista, Peter O'Neill, husat em gest-spika long seremoni i tok Ramu Projek i gat ekonomik laip we i ken halivim developmen bilong Papua Niugini i gro i go bikpela long sait long bisnis na tred.

"Insait long narapela 20 yia taim, Ramu NiCo Main bai bringim mani we i moa long K29 bilion i kam long nesanel baset na peim moa long K750 milien olsem pei bilong ol wokmanmeri bilong PNG," Praim Minista O'Neill i tok.

Mista O'Neill i tok olsem Ramu NiCo bai givim bikpela helpim tru long sait long developmen bilong PNG long sait long peim gavman takis, kampani takis, royalties na tu win-moni o ikwiti we em bikpela milien Kina stret.

"Gavman bilong mi i amamas long invesmen MCC i mekim wantaim ol bisnis patna bilong Australia," Mista O'Neill i tok.

Presiden bilong China Metallurgical Grup Koporesen (MCC), Guo Wenqing tok olsem MCC Grup bai bihainim lek-mak bilong Ramu NiCo long lukluk long kamapim sampela moa invesmen long PNG na bai strongim wok-bung na bisnis

poroman namel long China na PNG.

Em i tok MCC Grup i amamas tru long lukim Ramu NiCo, wanpela projek we pastaim i hait stret insait long bus bilong Usino-Bundi nau i soim em yet pinis long wol olsem em wanpela wol-klas Projek we i bungim laterait maining, benefisie-sein na rifaining na i abrusim planti salens na hevi long kamap nau na stap olsem.

Mista Guo i tok olsem Ramu Projek em bikpela invesmen tru bilong wanpela China kampani insait long Saut Pasifik rijon na i karim stret fleg bilong MCC olsem wanpela trupela ovasis maining invesmen. Olsem na dispela lek-mak bilong Ramu Projek em MCC bai bihainim long gohet long kamapim invesmen bilong em insait long wol.

Siaman bilong Bod bilong Ramu NiCo, Madam Luo Shu i tok olsem Ramu Projek em olsem wanpela star i sain long soim gutpela intanesenel wok bung we i bungim capitol invesmen, mineral risos bes, gutpela teknikal na menesmen save, askim bilong maket, konstraksen na developmen save long kamapim.

"Mi luksave olsem i no long taim, PNG maining indastri bai kisim moa intanesenel luksave na kisim rispekt bikos long Ramu Projek, lokal komyuniti, na Madang Provins bai kamapim moa bisnis, na ol seaholda bilong mipela bai i gat gutpela luksave long sait long wok bung na kamapim gutpela win-win luksave long ol wok plen bilong Ramu Projek," Madam Luo i tok.

MCC Grup em 280th insait long ol 500 top kampani long wok na em i namba-9 namel long 225 konstraksen kontraka long wol. MCC Grup i strongim pos long indastri wok long sait long wok bilong metal na ain we i karamapim disain, konstraksen, maining na daun-strim rifaining.

"Tude, mi gat bikpela amamas tru long stap na serim wantaim yupela dispela amamas bilong lukim dispela Ramu Projek i karim kaikai bilong en," Embesada bilong China, Qiu Bohua i tok.

"Mi laik toksave long yupela ol PNG ofisal long olgeta level na tu ol lokal Ramu komyuniti olsem Ramu Projek em bebi bilong yupela. Mi bilip yupela olgeta bai lukautim gut dispela Projek olsem na sapotim em olsem mama i save lukautim bebi bilong em," Mista Qiu i tok.



Amb. H. E. Qiu Bohua: "Lukautim Ramu Projek olsem bebi bilong you."



Byron Chan: "PNG i gat narapla risos tu na ino gol na kopa tasol."



Guo Wenqing: "Ramu Projek em bikpela invesmen long China insait long Saut Pasifik rijon"



Madam Luo: "Ramu NiCo bai sanap olsem wanpela star i sain"



Anthon Yagama: "Pipel bilong mi i hamamas tru long Ramu NiCo Projek."



PM O'Neill: "Gavman bilong mi i amamas long invesmen MCC i mekim"

RAMU NICO Ramu NiCo redi long givim

Insait long moa long tupela yia, Ramu NiCo i sanapim pinis malti bilian Kina Ramu Nikel Projek, na nau mipela i redi long komisanim.

Bihain long mipela i kisim olgeta tok orait na stretim ol teknikal wok redi, Ramu NiCo i go het wantaim bikpela wok konstraksen long namba tu hap bilong 2008. I kam inap nau, olgeta bikpela konstraksen wok long Krumbukari main sait na Basamak rifaineri i pinis, na projek i stap redi long kisim komisani o tok orait long mekim wok. Long wol tu, dispela kain hariap sanapim em i no kamap bipo long wanpela kain bikpela projek olsem, na i daunim olgeta

salens bilong graun na masin bilong mekim wok.

Ol dispela namba i soim klia mak bilong wok mipela i pinisim:

- Moa long 4.5 milian kubik mita bilong graun wok i pinis
- Klostu 195,000 kubik mita simen i silip pinis
- Klostu 48,000 tan stil biding i sanap, hap long ol em ol nupela
- Moa long 2,000 yunit masin i sanap redi
- Moa long 227 kilomita bilong baret na proses paip i silip (antap long 135 kilomita slari paiplain)

Wanpela Ramu NiCo, Wanpela Komyuniti'



LSC pilaia wantaim bal i ron we long pilaia bilong Gabutu long gren fainol pilai bilong ol long EPC kap. Gabutu i win 4-1.



Gabutu pilai i pudaun taim em laik kisim bal. EPC kap bilong ol man i go bek ken long Gabutu namba tu taim.



Praivet netbol i holim laspela pilai bilong ol bipo ol bai malolo long krismas na nu yia. Esco gol atek i traिम long putim gol.

Ol Spot Eksen poto long yia 2012...

Ol Poto Nicky Bernard.



Sofbol eksen long bisini lukim beta bilong Manta Ray i traिम long stop bal long bet bilong em.



Kos na pilai bilong nupela tim Wholf.

TOKSAVE: Salim ol spots dro bilong yu kam long Feks; 325 2579, e-mel; bveo@wantok.com.pg o kam lusim long Wantok Niuspepa opis long Central Waigani, NCD.



Williams i soim strong

BIKNEM Tenis meri, Serena Williams, bilong Yunaitet Stets i paitim bal long bikpela pilai bilong em agensim Alize Cornet bilong Frans long de namba tri bilong Brisben Intanesenel long Pat Rafter Arina long Januəri 1, 2013, long Brisben, Australia. Williams i soim olsem em i gat strong yet long pilai, na kamap namba wan long wol.

Warriors kosa sapatim ol senis long ol NRL rul

KOSA bilong Nu Silan Warriors, Matthew Elliott, i givim sapat bilong em long ol senis long ol NRL rul bilong we bilong givim ol trai long lig long 2013.

Dispela 'benefit of the doubt' rul we i save luksave moa long tim i holim bal, em nau ol i

rausim na ol refri long fil yet bai tok sapos em i trai o nogat. Em bai no inap long givim i go long vidio refri opisal.

Elliott i tok olsem i tru, bai gat sampela ol samting i no ron stret, tasol em i bilip dispela senis em i gutpela senis bilong gem.

"Mi ting olsem samting ol i laikim, em long ol refri long mekim disisen, na bihain larim teknoloji i sapatim, o i tok nogat long en," em i tok.

"Dispela em samting ol (ARL Komisen) i mekim. Refri i mekim wanpela disisen, na i no go long vidio ref olgeta

taim. Mi laikim dispela."

Elliott, husat i tekova olsem kosa bilong Warriors bihain long klab i pinisim yia long namba tri las ples, i amamas long ron bilong pri-sisen program bilong klab.

"Mi laik givim luksave long ol pilaia na we ol i bihainim nu-

pela sistem, na em i wanpela strongpela trening program tru," em i tok.

"Mi amamas wantaim lidasip ol i soim."

Elliott, husat i no tokaut yet long skipa bilong tim long dispela yia, i no laik givim nem bilong wanpela man.

Seken rowa Simon Manner- ing i holim wok kepten long las tripela sisen.

Warriors i mekim las trening sesen bilong ol pastaim long Krismas, na ol i bung gen long tude (Fonde, Januəri 3), long stretim tim lainap na keptensi bilong ol.

Storm bilip Bellamy bai bihainim lewa bilong en

MELBOURNE Storm i laikim bai Craig Bellamy i bihainim lewa bilong em na lus tingting long mani St George Illawarra i wok long tromoi long pulim em i go long ol.

Kontrak bilong Bellamy bai pinis long 2014, na ol Dragon i tingting strong long givim em moa \$6 milian long faivpela yia.

Man husat i mastamainim 2012 premiasip, Bellamy i tok em i 50-50 yet long lusim klab we em i kirapim sinia wok kosa bilong em long 2003. I luk olsem em bai mekim disisen

long laspela wok kosa kontrak bilong em dispela mun.

"Mipela save olsem em i luk-luk long narapela klab, na em i laik bilong em yet," Storm Sif Eksekutiv Ron Gauci i tok long Trinde.

"Mipela i laik holim em, na mipela i paitim tok long dispela."

Gauci i tok olsem wantaim dispela tupela klab i traim long kisim em, sans bilong holim em bek, em i 50-50 to. Tasol em i laik bilip olsem bel bilong Bellamy i stap strong yet wantaim Storm.

Bellamy i stiarim klab long 2012 long winim taitol bihain long ol i lusim 2007 na 2009 taitol bilong ol bikos ol i abrusim salari kep o mak bilong pe ol i givim long ol biknem pilaia. Tupela pilaia em Cameron Smith na Billy Slater.

Ryan Hoffman na Brett Finch i bin kam bek long Inqlan na pilai gen aninit long stia bilong em.

"Mipela laik bilip olsem bel bilong em i stap yet wantaim klab, na ol pilaia bai stap yet long tingting bilong en," Gauci i tok.

Ol solda sas i orait yet long UK

RAGBI Futbol Lig bai no inap bihainim Australia long tambuim ol solda sas.

Nau yet em i orait long gem bilong ol.

NRL yet i bin tambu long dispela kain pilai pastaim long 2013 sisen i kirap.

Tasol em i stap orait yet aninit long ol intanesenel rul na loa komiti bilong RFL i tok ol UK pilai bai yusim yet inap Ragbi Lig Intanesenel Fed-eresen i pinisim wok tok-

paitim bilong en.

Disisen bilong RFL i kamap bihain long ol i toktok wantaim o pilaia, ol klab, na ol kosa.

Mausman bilong RFL, Blake Solly, i tok: "RFL loa komiti i strongim bilip bilong em long stendataisim ol loa bilong gem long olgeta kantri na resis, we em i ken mekim, na i luksave olsem dispela wok i wok go het yet insait long RLIF.

I kam long bek pes

Sonny Bill Williams bai kam bek

"Ian Schubert i mekim gut wok bilong en, na em i bikpela wok moa bikos ol pepa wok bilong ol dispela paitim tok, i no bihainim stret ol NRL pilaia kontrak na pe loa,"

Mattiske i tok ol Roosters bai pulim wanpela fain, bikos ol i no bin tokaut gut long namba wan taim ol i givim dispela kontrak long NRL.

Mattiske i tok olsem Roosters i no bin bihainim olgeta regulesen na givim long ARLC.

Schubert i bin kisim tok stia long wanpela loya long tok oraitim dil na Mattiske i tok ARLC bai was gut long ol komesal agrimen bilong Williams.

Rabaul Distrik Spot Tonamen Inapim Krismas na Nu Yia

Michael Novingu i raitim

RABAUl distrik long Is Nu Briten i bin lukautim Krismas na Nu Yia spots tonamen long Malaguna Teknikal Sekendri Skul pilai graun.

Dispela spots tonamen i stat long boksing de (de bi-hain long Krismas de stret), na i pinis long Tunde long taim bilong Nu Yia o namba wan de bilong 2013.

Dairekta bilong ol pilai, Dickson Kondaul, i tokim *Wantok Niuspepa* long Rabaul, olsem dispela em i namba wan taim bilong Rabaul Distrik na Is Nu Briten long holim kain tonamen olsem.

Moa yet, em i tok dispela krismas i nogat planti tim i stap insait long pilai, tasol long 2013, ol bai apim namba bilong ol pilai, na askim ol arapela distrik long stap insait long dispela tonamen long Rabaul.

Em i tok olsem dispela tonamen, em Rabaul Join Distrik Baset Praioriti Komiti i tok orait wantaim sapat bilong ol na givim mani mak olsem K24,000.

Memba bilong Rabaul, Dokta Allan Marat i givim K10,000, na Api Zero Grup ov Kampanis i givim K10,000 long ronim dispela tonamen.

Kondaul i tok olsem astingting long hostim dispela tonamen em long mekim ol yut i bisi long pilai long taim bilong

Krismas na Nu Yia na lus tingting long wokim ol pasin nogut long ol komyuniti bilong ol.

Em i tok olsem i gat faivpela koud, o pilai, tasol i stap insait long dispela tonamen.

Em i tok ol tim i kam long Rabaul distrik tasol, na wanpela bilong Gesel distrik na Kokopo.

Kondaul i tok olsem astingting bilong Rabaul Distrik em long kirapim lokol ekonomi o wok bisnis bilong distrik long inapim plen bilong gavman long groim lokol ekonomi long ol distrik level long ol pipel bai stap insait long wok bisnis long helpim kirapim gutpela sindaun bilong ol.

Long wankain taim, em i tok i gat faivpela koud, em 15-

pela tim bilong ragbi tas long foapela divisen, em sinia man, open miks, junia bois, na open man.

Long basket bol, i gat sikspela tim bilong ol meri na sikspela tim bilong ol man.

Volibal i gat 8-pela tim bilong ol meri, na 12-pela tim bilong ragbi sevens na dats.

Kondaul i tok tim gems bilong dats, em ol i pilai fainels pinis long Hamamas Hotel long Rabaul, na Tim Rakamabu i winm Vudal Yunivesiti. Tasol ol i givim gem i go long Vudal Yunivesiti, bikos Raka-mambu i no bihainim stret pasin bilong pilai long winim gem.

Em i tok ol fainols bilong olgeta gems em ol i pinisim long Nu Yias De stret.



Redi long ol Krismas spot pilai

OL SPOT pilai long dispela taim i save givim moa mining long Krismas na Nu Yia, namel long ol arapela pasin amamas i save kamap.

Tasol long kisim olgeta gutpela bilong spots long dispela taim, moa tingting i mas go insait long wok plening.

Dispela em i wanpela eria we i nidim moa taim na risos. I mas i gat wan-yia siks mun long redim olgeta samting bilong ol spot pilai long krismas na nu yia.

Mi lukim planti krismas spot pilai we ol i no plening gut, na i bagarap olgeta. Dispela i min olsem ol risos na taim yu givim long mekim wok, bai lus nating.

Dispela festiv sisen, em i spesol taim tru we olgeta lain, ol famili, ol wanpinis, na komyuniti, i save bung long amamasim na makim kamap bilong Jisas. Olsem na em i mobeta long stretim olgeta samting hariap.

Namba wan, pastaim long wanem kain pilai i kamap, i mas i gat wanpela plening komiti bilong bungim tingting na mekim wok.

Neks samting, em bai givim inap taim long bihainim plen bilong en wantaim wok na olgeta risos ol i ken painim. Wantaim taim na risos, ol i ken mekim wok gut. Wanpela long ol bikpela samting em long gat sampela ol wanwan wok ol i ken pinisim. Dispela bai givim ol stia na luksave long wok wantaim.

Taim ol i putim pen long pepa, ol i mas tingim tu ol taget grup bilong ol.

Inapim olgeta nid ol i gat em i bikpela samting ol i mas tingim.

Taim ol i stap long wok plening, i mas i gat gutpela wokbung wantaim ol komyuniti lida na ol opisal. Olsem na dispela min olsem i mas i gat ol miting i kamap oltaim namel long komyuniti na plening komiti.

Hekari soka klab sainim ol pilaia

BIKNEM soka tim bilong Papua Niugini Hekari Yunaited bai sainim sampela pilaia bilong wan solwara bilong yumi na Niu Silen (New Zealand).

Dispela ol pilai bai kam helpim Hekari long traim gen long go insait long O lig gren fainol long dispela yia 2013.

Long 2011 Hekari bin winim O lig sempionsip na go pilai long Abudabi wantaim ol narapela sempion tim bilong ol narapela kantri.

Long yia go pinis, ol bin lusim long tim bilong Niu Silen long fainol na ol i no bin kisim nem bilong PNG na Pasifik Ailan long go pilai.

Dispela yia, Hekari klab bai kisim sampela ol pilaia husat save pilai long ovasis klab long kam helpim tim Hekari long traim kisim bek dispela taitol yumi lusim long yia go pinis.

Hekari tim bai sainim wanpela top gol skora bilong PNG Silan tasol em bon long PNG

long kam pilai wantaim ol long dispela yia. Hekari klab tu bai sainim 3 biknem pilai bilong Fiji long kam joinim klab.

Dispela yia Hekari laik mekim nem bilong klab, kantri na Pasifik Ailan olsem sampela biknem pilaia bai pilai wantaim ol.



Insait: Ol bikpela pes bilong Hekari, na wanpela bilong ol husat bin sain long 2010 i holim bal long lek bilong em tai mol pilai wantaim tim bilong Solomon Ailan. Wantok file foto

Morata Swans kisim bek Gavana Kap

MORATA Swans i kisim bek NCD Gavana kap long namba tu taim gen bihain long ol i winim nupela tim bilong 9-mail Farris.

Dispela pilai bilong i kamap long krismas malolo na fainol long wiken go pinis bipo long nupela yia i kamap.

Maski long bikpela san na strongpela graun bilong Mosbi tupela tim wantaim i soim stail na strong bilong ol long winim pilai bilong ol.

Swans i soim gutpela pilai bilong olsem long yia i go pinis, ol tromoi bal go kam long mekim ol Farris bai sot win, tasol Farris tu i soim ol

olsem ol nupela tim na nupela blut bilong pilai.

Dispela tupela tim wantaim i kamapim gutpela pilai na skoa bilong dispela pilai i no bikpela. Swans i kamap wina long skoa 8-4 na kisim K4,500 na nupela tim Farris i kisim namba tu prais mani.

Dispela Gavana kap save kamap long olgeta yia long dispela kain taim bilong krismas long amamasim ol yangpela man husat save stap long setelmen tasol gutpela long pilai ragbi. Dispela pilai tu bilong soim ol tim long kisim ol yangpela long pilai long ipatas kap we bai kamap klostu taim.

Sonny Bill bai kam bek

BIKNEM ragbi lig, yunion na spotsman, **Sonny Bill Williams**, nau i orait long pilai lig gen long dispela yia, bihain long Nesenel Ragbi Lig (NRL) i tok oraitim kontrak bilong en wantaim Sydney Roosters.

go bek na pilai yunion. Taim ol Roosters i tok welkam long em long mun Novemba las yia, Williams i no tingting tumas long kam bek long lig. Em i bin tok klia olsem kam bek bilong en, em long luksave long wanpela tokpromis em i mekim long siaman bilong Roosters, Nick Politis.



I bin gat sampela wari olsem Williams bai lusim Roosters kontrak sapos NRL i no bin rejistaim kontrak kwik. Interim Sif Eksekutiv, Shane Mattiske, i tok wok bilong sainim na tok oraitim dispela dil, em i bikipela wok tru.

“Wantaim kain ol spot pilai bilong Sonny Bill, i gat sampela narakain luksave i stap long dispela kontrak bilong em long taim bilong tok paitim bilong en,” Mattiske i tok.

“Em i wok tru bilong salari kep odita long glasim olgeta samting long ol pemen bilong kontrak, na ol tok paitim bilong en.

Bihain long em i sainim wanpela wan-yia dil wantaim Roosters long Novemba 13 las yia, ol i bin wetim tasol tok orait bilong man husat i save skelim na tok oraitim ol salari kep, o odita, lan Schubert.

Sonny Bill i bin mekim nem long ragbi lig pastaim, tasol em i bin lusim na go pilai ragbi yunion sampela yia nau. Em i wanpela boksa man tu, na taim em i bai pilai ragbi lig, em bai wok long pait resis tu.

Long Februari, em bai sanap agensim Francois Botha bilong Saut Afrika.

Williams i bin pilai makim All Blacks (Yunion) dispela yia, pastaim long em i bin go pilai ragbi long Japan.

Bihain long kontrak bilong em wantaim Roosters i pinis long dispela yia, i gat bikipela tingting i stap olsem em bai

Moa long Pes 26.

KAM BEK: Sonny Bill gat kontrak wantaim Roosters long 2013.